

## SAMÞYKKT

### um breytingu á samþykkt um stjórn Kópavogsbæjar og fundarsköp bæjarstjórnar nr. 774/2013 með síðari breytingum.

#### 1. gr.

10. töluliður 5. gr. samþykktarinnar verður svohljóðandi:

Að staðfesta erindisbréf fyrir nefndir, ráð og stjórnir þar sem kveðið er á um hlutverk þeirra, valdsvið, starfshætti í samræmi við lög, reglugerðir og almennar samþykktir bæjarstjórnar.

#### 2. gr.

36. gr. samþykktarinnar ásamt fyrirsögn verður svohljóðandi:

*Valdsvið nefnda og framsal bæjarstjórnar til nefnda á valdi til fullnaðarafgreiðslu mála.*

Um hlutverk og valdsvið nefnda, ráða og stjórna á vegum bæjarfélagsins fer eftir því sem ákveðið er í lögum, reglugerðum og erindisbréfum sem bæjarstjórn setur.

Menntaráði, skipulagsráði og velferðarráði er heimilt að afgreiða mál á verksviði þeirra ef lög eða eðli máls mæla ekki sérstaklega gegn því, þau varða ekki fjárhag sveitarfélagsins umfram það sem kveðið er á um í starfs- og fjárhagsáætlun og þau víkja ekki frá stefnu bæjarstjórnar í veigamiklum málum.

#### 3. gr.

3. mgr. 33. gr. samþykktarinnar fellur brott.

#### 4. gr.

B-liður 47. gr. samþykktarinnar verður svohljóðandi:

B. Kosið til **fjögurra ára**. Á fyrsta eða öðrum fundi að afloknum sveitarstjórnarkosningum:

1. *Almannavarnanefnd höfuðborgarsvæðisins*. Tveir aðalmenn og jafnmargir til vara skv. 9. gr. laga um almannavarnir nr. 82/2008.
2. *Barnaverndarnefnd*. Fimm aðalmenn og jafnmargir til vara. Nefndin starfar skv. lögum nr. 80/2002.
3. *Brunabótafélag Íslands*. Einn aðalmaður í fulltrúaráð Brunabótafélags Íslands og einn til vara skv. 9. gr. laga um Eignarhaldsfélagið Brunabótafélag Íslands nr. 68/1994.
4. *Velferðarráð*. Sjö aðalmenn og jafnmargir til vara skv. 5. gr. laga um félagsþjónustu sveitarfélaga nr. 40/1991. Velferðarráð fer jafnframt með hlutverk húsnæðisnefndar skv. 6. gr. laga um húsnæðismál nr. 44/1998.
5. *Forsætisnefnd*. Skipuð forseta bæjarstjórnar og varaforsetum. Bæjarritari er starfsmaður nefndarinnar. Bæjarstjórn kýs að auki þrjá varamenn.
6. *Hafnarstjórn*. Aðalmenn til samræmis við ákvæði reglugerðar um Kópavogshöfn og jafnmargir til vara skv. 13. gr. hafnalaga nr. 61/2003.
7. *Heilbrigðisnefnd*. Tveir menn og tveir til vara skv. 11. gr. laga um hollustuhætti og mengunarnir nr. 7/1998.
8. *Íþróttaráð*. Fimm aðalmenn og fimm til vara.
9. *Kjaranefnd*. Tveir aðalmenn og jafnmargir til vara.
10. *Kjörstjórn við alþingiskosningar* skv. 15. gr. laga um kosningar til Alþingis nr. 24/2000. Þrír menn í undirkjörstjórn og þrír til vara.
11. *Kjörstjórn við sveitarstjórnarkosningar*. Þrír aðalmenn og jafnmargir til vara skv. 14. gr. laga um kosningar til sveitarstjórna nr. 5/1998.  
Hverfiskjörstjórn. Þrír aðalmenn og jafnmargir til vara.  
Undirkjörstjórn. Þrír menn og jafnmargir til vara.
12. *Leikskólanefnd*. Fimm aðalmenn og fimm til vara skv. 4. gr. laga um leikskóla nr. 90/2008.
13. *Lista- og menningarráð*. Fimm aðalmenn og jafnmargir til vara. Stjórnin fer með menningarmál. Hún fer jafnframt með stjórn bókasafnsins skv. 8. gr. bókasafnalaga nr. 150/2012, tón-

- listarhúss Kópavogs – Salarins, Tónlistarsafns Íslands, Listasafns Kópavogs – Gerðarsafns, Náttúrufræðistofu Kópavogs og Lista- og menningarsjóðs.
14. *Jafnréttis- og mannréttindaráð*. Fimm aðalmenn og jafnmargir til vara. Nefndin fer með mannréttinda-, lýðræðis- og jafnréttismál skv. 12. gr. laga um jafna stöðu og jafnan rétt kvenna og karla nr. 10/2008.
  15. *Reykjanesfólkvangur*. Einn aðalmaður í nefnd um Reykjanesfólkvang og einn til vara.
  16. *Skipulagsráð*. Sjö aðalmenn og sjö til vara skv. 6. gr. skipulagslaga nr. 123/2010. Nefndin fer jafnframt með ferlimál.
  17. *Menntaráð*. Sjö aðalmenn og sjö til vara skv. 6. gr. laga um grunnskóla nr. 91/2008 og samningi Kópavogsbæjar og menntamálaráðuneytis um skólalald á framhaldsskólastigi í Kópavogi frá 14. maí 1982.
  18. *Stjórn Lífeyrissjóðs starfsmanna Kópavogsbæjar*. Tveir aðalmenn og jafnmargir til vara skv. gr. 4.1 í samþykktum um sjóðinn frá 1. september 2009.
  19. *Stjórn skíðasvæða höfuðborgarsvæðisins*. Einn aðalmaður og einn til vara.
  20. *Stjórn Sorpeyðingar höfuðborgarsvæðisins bs.* Einn aðalmaður og einn til vara skv. samþykkt bæjarstjórnar frá 12. janúar 1988.
  21. *Stjórn SSH*. Einn aðalmaður og einn til vara skv. 5. gr. samþykktu um SSH frá 6. nóvember 2009.
  22. *Stjórn Strætó bs.* Einn aðalmaður og einn til vara skv. 5. gr. stofnsamnings frá 7. maí 2001.
  23. *Stjórn Tónlistarskóla Kópavogs*. Tveir aðalmenn og jafnmargir til vara skv. 2. gr. laga um fjárhagslegan stuðning við tónlistarskóla nr. 75/1985.
  24. *Stjórn Tónsala*. Einn aðalmaður og einn til vara skv. 2. gr. laga um fjárhagslegan stuðning við tónlistarskóla nr. 75/1985.
  25. *Umhverfis- og samgöngunefnd*. Fimm aðalmenn og jafnmargir til vara. Nefndin fer með umferðarmál skv. heimild í 2. mgr. 116. gr. umferðarlaga nr. 50/1987 og umhverfismál skv. 19. gr. laga um landgræðslu nr. 17/1965 og 11. gr. laga um náttúruvernd nr. 44/1999.
  26. *Landsþing Sambands íslenskra sveitarfélaga*. Samkvæmt samþykktum Sambands íslenskra sveitarfélaga kýs bæjarstjórn fjóra aðalfulltrúa, auk eins aðalfulltrúa fyrir hvert byrjað tugþúsund íbúa umfram 10.000 til viðbótar. Varamenn eru kosnir jafnmargir aðalmönnum.

## 5. gr.

Á eftir 6. mgr. 49. gr. samþykktarinnar bætist ný málsgrein, svohljóðandi:

Bæjarstjóri fer með undirbúning og fullnaðarafgreiðslu kjörskrár, í umboði bæjarstjórnar, til alþingiskosninga, sveitarstjórnarkosninga, forsetakosninga og annarra kosninga. Bæjarstjóri hefur fullnaðarheimild til að fjalla um athugasemdir, gera nauðsynlegar leiðréttingar og úrskurða um ágreiningsmál, sem kunna að koma fram að kjördegi, vegna kosninga.

## 6. gr.

52. gr. samþykktarinnar verður svohljóðandi:

A. Sviðsstjóri velferðarsviðs, eða starfsmenn velferðarsviðs í hans umboði, afgreiða án staðfestingar velferðarráðs, eftirfarandi:

1. Umsóknir um fjárhagsaðstoð.
2. Umsóknir um ferðaþjónustu.
3. Umsóknir um liðveislur.
4. Umsóknir um félagslega heimaþjónustu.
5. Umsóknir um heimsendingu matar.
6. Umsóknir um sérstakar húsaleigubætur.

Beiðni um endurupptöku á ákvörðunum í ofangreindum málum skal beint til velferðarráðs.

Sviðsstjóri eða starfsmenn í hans umboði geta ávallt óskað eftir því að velferðarráð taki ákvörðun í máli.

Velferðarráð skal upplýst reglulega um mál sem starfsmenn afgreiða í umboði ráðsins.

B. Skipulagsstjóri, eða starfsmenn umhverfissviðs í hans umboði, afgreiða án staðfestingar skipulagsráðs, eftirfarandi:

1. Grenndarkynningu tillagna að óverulegum breytingum á deiliskipulagi, skv. 2. mgr. 43. gr. skipulagslaga, nr. 123/2010.
2. Grenndarkynningu byggingar- og framkvæmdaleyfisumsókna í ódeiliskipulögðum hverfum, skv. 1. mgr. 44. gr. skipulagslaga, nr. 123/2010.
3. Auglýstar skipulagstillögur sem engar athugasemdir berast við, skv. 2. mgr. 36. gr. og 3. másl. 3. mgr. 41. gr. skipulagslaga nr. 123/2010, nema skipulagsráð ákveði annað þegar samþykkt er að auglýsa tillögurnar.
4. Frávísun eða synjun erinda og gerð umsagna um erindi sem beint er til skipulagsráðs eða bæjarráðs og eru ekki í samræmi við skipulagsáætlanir.

Beiðni um endurupptöku á ákvörðunum í ofangreindum málum skal beint til skipulagsráðs.

Skipulagsstjóri eða starfsmenn í hans umboði geta ávallt óskað eftir því að skipulagsráð taki ákvörðun í máli.

Skipulagsráð skal upplýst reglulega um mál sem starfsmenn afgreiða í umboði ráðsins.

C. Sviðsstjóri menntasviðs, eða starfsmenn menntasviðs í hans umboði, afgreiða án staðfestingar menntaráðs, eftirfarandi:

1. Tillögur um úthlutanir styrkja vegna tónlistarnáms utan sveitarfélags í samræmi við lög og reglur þar um.
2. Skóladagatal fyrir grunnskóla, þ. á m. skólabyrjunardag, vetrarfrí og skipulagsdaga.
3. Beiðnir um að leggja kannanir fyrir nemendur.
4. Umsóknir um námsstyrk/kennsluafslátt.

Beiðni um endurupptöku á ákvörðunum í ofangreindum málum skal beint til menntaráðs.

Sviðsstjóri eða starfsmenn í hans umboði geta ávallt óskað eftir því að menntaráð taki ákvörðun í máli.

Menntaráð skal upplýst reglulega um mál sem starfsmenn afgreiða í umboði ráðsins.

7. gr.

Samþykkt þessi, sem bæjarstjórn Kópavogsbæjar hefur sett samkvæmt ákvæðum 9. gr. sveitarstjórnarlaga nr. 138/2011, staðfestist hér með til að öðlast þegar gildi.

*Innanríkisráðuneytinu, 7. desember 2016.*

F. h. r.

**Hermann Sæmundsson.**

\_\_\_\_\_  
*Stefanía Traustadóttir.*